

Script of Evening Gojri News Bulletin 20 December 2024 at 1700 Hrs ایوننگ گو جری نیو ز بلیٹن مو ر 20 دسمبر 2024

یوہ آکا شوانی جموں ہے عبدالرحمان شاہین تے نصرت چودھری تیں خبر سُنو۔ پہلاں خاص خاص خبر۔

- *1۔ صدر جمہوریہ نے کہیو ہے جے مُلک غی خود انحصاری، دفاعی شعبہ مانہ حکمت عملی معاہدہ اس غی عالمی شراکت داری نانہ مضبوط کرے۔
- *2۔ پا رلیمنٹ غو سرمائی اجلاس اختتام پزیر ہوؤ۔ لوک سبھا تے راجیہ سبھا غی کا روائی غیر معینہ مدت واسطے ملتوی ہو گئی ہے۔
- *3۔ نائب وزیر اعلیٰ سریندر کمار چودھری نے پہلی آئی ٹی نمائش غو افتتاح کیو۔ جھپڑی ڈیجیٹل خواندگی غی اہمیت ور زور دے۔
- *4۔ ایشیا ایشین آئی سی رڈ لویر جو نیئر ٹینس چیلنج مانہ بھارت نے جاپان نانہ 2/4 تیں شکست دتی۔
- *5۔ تے جموں کشمیر مانہ سردی غی لہر برقرار ہے۔، محکمہ موسمیات نے خشک موسم غی پیشنگوئی کی ہے۔

خبراں غی تفصیل نال پہلاں عبدالرحمن شاہین۔

President Murmu

صدر جمہوریہ محترمہ دروپدی مُرمو نے اج سکندره آباد مانہ اک رسمی تقریب مانہ دفاعی انتظامیہ بارے مشہور کالج نانہ صدر غا کلرز سنگ نوازیو۔ یوہ اعزاز کسے وی ادارہ نانہ پیشہ وارانہ برتری غو ثبوت ہے۔ اس موقع ور تقریب سنگ خطاب کرتاں واں صدر جمہوریہ نے کہیو جے دفاعی شعبہ مانہ مُلک غی خود انحصاری تے حکمت عملی شراکت داری نہ صرف مُلک غی سرحدان غی حفاظت کرے بلکہ عالمی سطح ور حکمت عملی شراکت داری نانہ وی مضبوط کرے گی۔ صدر جمہوریہ نے مزید کہیو جے حکومت نے دفاعی صنعت غی مقامی صلاحیتاں نانہ باندو دین واسطے اقدامات کیا ہیں جس طرح کہ میک ان انڈیا، کاروبار مانہ آسانی تے دفاعی صنعت کار ریڈورز غی ترقی۔ تانجے شعبہ مانہ سرمایہ کاری نانہ فروغ دتو جا سکے۔

Parliament Adjourned

پا رلیمنٹ غا دوئے ایوان اج غیر معینہ مدت واسطے ملتوی کر دتا گیا ہیں۔ سویرے جد لوک سبھا غو اجلاس شروع ہوؤ تاں حزب اختلاف گاممبران پا رلیمنٹ نے وزیر داخلہ امت شاہ غی طرفوں ڈاکٹر بی آر امبیڈکر غے متعلق دتا گیا بیان ور نعرے بازی شروع ہو گئی۔ شور گل غے دوران سپیکر اوم برلا نے اراکین پا رلیمنٹ نانہ سختی سنگ قواعد ور عمل کرن تے پا رلیمنٹ غا کسے وی دروازہ ور احتجاج تیں گریز کرن غی درخواست کی۔ انہاں نے یوہ وی خبردار کیو جے کسے وی خلاف ورزی غی صورت مانہ کاروائی کی جائے گی۔ شور وگل غے دوران ہی اک مُلک اک چناؤ غے متعلق 2 بل مشترکہ کمیٹی نانہ پیجیا گیا۔ بعد مانہ انہاں نے لوک سبھا نانہ غیر معینہ مدت واسطے ملتوی کر دتو۔ راجیہ سبھا نانہ وی پہلاں 12 بجے تک ملتوی کیو گیو تھو۔ کیونجے ایوان مانہ شور وگل غو ماحول تھو۔ ایوان بالا نے سویرے غے وقت حکومتی

تے حزب اختلاف غا بنچاں بشکار نعرہ بازی تے جوابی نعرہ بازی غو مشاہدو کیو۔ چیرمین جگدیپ دھنکڑ نے ممبران پارلیمنٹ تیں عوام کا اعتماد اور توقعات غو احترام کرن غی درخواست کی۔ شور شرابہ غے بیج ہی ایوان نانہ دوپہر 12 بجے تک ملتوی کر دتو گیو۔ پھر جد ایوان دوبارہ جمع ہوؤ تاں اک ملک اک انتخاب بل ور مشترکہ کمیٹی واسطے 12 اراکین نامزد کرن غی تجویز پیش کی گئی۔

Martyr Soldier

شہید فوجی محمد تاج غا بھائی نے اپنا بھائی غی قبر ور فاتح کرن غی قبر کی صحیح طریقہ نال مرمت واسطے سری لنکا جان غی دلی خواہشات غو اظہار کیو ہے۔ محمد تاج ولد شاہ ولی جھیڑا پونچھ ضلع غی تحصیل مینڈھر گا گراں چنگن گا رہا نشی ہیں 1989 مانہ بھارتی فوج غا جیکلائی ایک یونٹ مانہ خدمات دیتاں واں شہید ہوا تھا، جھیڑا سری لنکا مانہ خانہ جنگی غے دوران انڈین پیس کیپینگ فورس غے دوران تعینات تھا۔ محمد تاج نے اپنا فرض غی خاطر اپنی جان غی قربانی دتی تے آپریشنل حالات غی وجہ تیں بھارتی فوج نے انہاں نانہ سری لنکا مانہ دفن کرن غو فیصلو کیو۔ 3 دہائیاں تیں بعد اس غو خاندان جدائی غو درد محسوس کر رہیو ہے۔ انہاں نے بھارتی حکومت تیں درخواست کی ہے کہ انہاں نانہ اپنا بھائی غی قبر غی فاتح واسطے سری لنکا جان غی اجازت دتی جائے۔

Chief Justice Rabstan

قانون کا طلباء نانہ با اختیار بنان غی کوشش مانہ جموں کشمیر تے لداخ ہائی کورٹ غا چیف جسٹس تاشی ربستان نے ضلع قانونی خدمات اتھارٹی سانہ، ڈوگرہ لاکالج، جموں کشمیر قانونی خدمات اتھارٹی کا اشتراک نال منعقدہ اک گل با تی اجلاس غی صدارت کی۔ اس تقریب غو مقصد طلباء نانہ انصاف تے سماجی بیداری نانہ فروغ دین مانہ اُن غا اہم کردار غا بار مانہ آگاہ کرنو تھو۔ جسٹس تاشی ربستان نے قانون کا طالب علمان غی لوک عدالت تے قانونی بیداری غا پروگرام مانہ اقدامات مانہ شمولیت غی اہمیت ور زور دتو۔ سماجی بُرائی، جسراہ کہ جھیز غا مطالبات، گھریلو تشدد، بچاں غی پیدائش تیں پہلاں جنس غی جانچ، حمل نانہ غیر قانونی طور ور ختم کرنو، چھیڑ چھاڑ تے ہو ر کئی گناہاں نانہ اُجاگر کرن آلو اک خاکو وی سیشن مانہ شامل کیو گیو۔

Dogri

ڈوگری مانیتا دیوس غے پیش نظر جموں یونیورسٹی کا ڈوگری شعبہ نے اج اک خاص پروگرام منعقد کیو۔ جس مانہ ڈوگرہ ثقافت، کھان پین غی اشیاء، لوک رقص تے اسے طرح غا ڈوگرہ رسم و رواج غے متعلق چیزاں نانہ پروگرام مانہ دسیو گیو۔ اس تقریب غے دوران مشہور ڈوگری لکھاڑی تے پدم شری موہن سنگھ نے مہمان خصوصی غا طور ور پروگرام مانہ شرکت کی۔ جموں یونیورسٹی کا ڈوگری شعبہ غی سربراہ سوچیتا پٹھانیہ نے پروگرام مانہ مہمانان واسطے استقبالیہ خطاب کیو۔ پروگرام مانہ جن ممتاز شخصیات نے حصو لیو۔ ان مانہ پروفیسر شمشا شرما اسسٹنٹ پروفیسر پدم دیو سنگھ تے سینئر ریڈیو براڈ کاسٹر جگموہن شرما نے شمولیت کی۔ پروگرام غے دوران مہمان خصوصی پدم شری موہن سنگھ نے گل کرتاں واں اس طرح کہیو۔ بھانٹ۔۔

PM Mann Ki Baat

وزیر اعظم نریندر مو دی 29 دسمبر نانہہ آکاشوانی ور من کی بات پروگرام مانہہ مُک تے بیرون مُک رہ رپیا بھارتیہ لوکاں غے نال اپنا خیالات سانجا کریں گا۔ یاه ماہوار ریڈیو پروگرام غی 117 ویں قسط وے گی۔ لوک پروگرام واسطے اپنا خیالات تے تجاویز ٹیلی فون نمبر 1800117800 ور مُفت کال کر غے سانجا کر سکیں۔ لوک نریندر مو دی ایپ یاه فر مائی گوو اپن فورم غے ذریعے آن لائن وی اپنا وچار سونپ سکیں۔ اس آن آلا شماره واسطے خیالات تے مشورہ اس مہینہ غی 27 تا ریخ تک منظور کیا جا سکیں گا۔ یوہ پروگرام آکاشوانی، دور درشن، آئی آر نیوز ویب سائٹ تے نیوز آن ائر مو بائل ایپ غا تمام نیٹ ورک ور نشر کیو جائے گو۔ اس نانہہ اے آئی آر نیوز، ڈی ڈی نیوز تے پی ایم او و اطلاعات ونشریات وزارت غا یو ٹیوب چینلاں ور وی برائے راست نشر کیو جائے گو۔ آکاشوانی غی طرفوں اس پروگرام غی ہندی نشریات غے فوراً بعد علاقائی زبانان مانہہ وی نشر کرے گو۔

مزید خبراں نال نصرت چودھری ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیئر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری مو بائل ایپ تے ڈی ٹی ایچ ور وی دستیاب ہیں)

IT Expo

نائب وزیر اعلیٰ سُریندر کمار چودھری نے اج کلا کیندر جموں مانہہ اپنی نو عیت غی پہلی آئی ٹی نمائش غو افتتاح کیو ہے۔ اس تقریب غو مقصد ڈیجیٹل ڈیجیٹل بیداری نانہہ فروغ دینو، نالے لوکاں نانہہ اس بارے دسنو ہے جے وے کس طرح وے بنا ڈیجیٹل سائبر فراڈ غے محفوظ طریقہ نال آئین چیز خرید سکیں۔ اپنا خطاب مانہہ نائب وزیر اعلیٰ ڈیجیٹل خواندگی غی اہمیت تے خطہ مانہہ سائبر سکیورٹی نانہہ قابو کرن غی حکومت غی کوششاں نانہہ اُجاگر کیو۔ اس نمائش مانہہ بکھ بکھ نمائش کا ر جدید آئی ٹی طریقاں بارے دس رہیا ہیں۔ جہیڑا آن لائن خطراں تیں محفوظ رہن مانہہ مدد گار ثابت ویں گا۔ یاه تقریب آئی ٹی پیشہ وارانہ، چھوٹا کاروباریاں تے طالب علماں نانہہ اک پلیٹ فارم یکجا ہون غو وی موقعو فراہم کرے۔۔۔ اُنہاں نے کہیو

Transport Commisioner

جموں کشمیر غا ٹرانسپورٹ کمشنر وشیش پال مہاجن غی ہدایت ور عمل کرتاں واں تے آر ٹی او غی رہنمائی مانہہ گڈیاں لاریا بارے محکمہ جموں نے قومی شاہراہ، جموں، اُدھم پور، سدھرا تے نگر وٹہ ور اک وسیع مہم چلائی جس مانہہ اوور لو ڈینگ، ٹرائیونگ غے دوران موبائل فون غو استعمال، ہیلٹ نہ پانو، خراب نمبر پلیٹ، تیز رفتاری نال گڈی چلانو تے شراب پی غے گڈی چلان ور توجہ مرکوز کی گئی۔ کُل 140 گڈیاں غی جانچ کی گئی جن وچوں 36 گڈیاں غا چالان کیا گیا تے 4 ضبط کی گئیں جس غی تقریباً ای چالان رقم 1 عشاریہ 42 لکھ روپیہ تھی، تے مزید کھان پور نگر وٹہ مانہہ روڈ سیفٹی بیداری کیمپ غو انعقاد کیو گیو۔ ٹرانسپورٹ کمشنر نے لکھن پور مانہہ مانہہ ایم وی ڈی کلیکشن پوسٹ غا کم کاج غو جائز و لین واسطے اچانک دورو کیو۔ اُنہاں نے انفورسمنٹ حُکام نانہہ ہدایت دتی کہ وے اس گل نانہہ یقینی بناویں کہ بغیر مناسب دستاویزات آلی گڈی جموں کشمیر مانہہ داخل نہ وے۔ اُنہاں نے سڑک حادثات نانہہ

کھٹ کرن واسطے خدمات غی بروقت فراہمی تے نفاذ غی سرگرمیاں مانہہ اضافہ ور زور دتو۔

Surya Ghar Muft Bijili Yojana

قابل تجدید توانائی نانہہ فروغ دین غی کوشش مانہہ ڈی سی سانبہ راجیش شرمانے سانبہ غا ڈی سی کمپلیکس مانہہ پی ایم سوریا گھر مُفت بجلی یوجنا واسطے اک بیداری میلہ غو افتتاح کیو۔ اس تقریب غو مقصد اس سکیم غا فائداں گا با را مانہہ بیداری پیدا کرنو ہے، جھپڑی چھت ور شمسی تنصیبات ور تو جہ مرکوز کرے۔ شرکاء نانہہ اس پہل تیں فائدو چان غا با را مانہہ تفصیلی معلومات فراہم کرائی گئیں۔ جھپڑی شمسی توانائی نانہہ مزیدان گھراں توڑی قابل رسائی بنان واسطے بنائی گئی ہے۔ انہاں نے ماحولیاتی تحفظ نانہہ فروغ دین واسطے پائیدار توانائی غی اہمیت ور وی زور دتو۔

DC Kathua Poshan

پوشن پروجیکٹاں غا نفاذ نانہہ بدھان واسطے ڈی سی کٹھوعہ ڈاکٹر راکیش منہاس نے اک میٹنگ غی صدارت کی، تے اُن غی پیش رفت غو تفصیلی جائزو لیو۔ میٹنگ غی توجہ صحت غی خدمات، فلاحی اقدامات تے بنیا دی ڈھانچہ نانہہ مضبوط بنان ور رہی، تا نجے پوشن اقدامات تیں بچاں غی مجموعی بہبود نانہہ بہتر بنایو جا سکے۔ میٹنگ غے دوران 143 آنگن واڑی مرکزآں کی تجویز پیش کی گئی ہے۔ جس مانہہ سرکار ی اسکولاں مانہہ 127 جگہاں غی پہلاں ہی نشاندہی کی گئی ہے۔ ڈپٹی کمشنر نے بقایا مراکز واسطے اراضی غی فوری نشاندہی غی ہدایت کی تے شدید غذائی قلت مانہہ مبتلا بچاں غی دیکھ بہال نانہہ تیز کرن ور زور دتو۔

Weather

جموں کشمیر مانہہ سردی غی شدید لہر مانہہ مسلسل اضافو ہو رہیو ہے، کھٹو کھٹ درجہ حرارت 5 عشاریہ 1 ڈگری سلیس تک گر گئیو ہے۔ تازہ برفباری، اہم گذر گاہاں تے اُچی جگہاں غی سڑکاں ور کھٹ درجہ حرارت تے برفیلہ حالات غے پیش نظر سیاحاں، مسافراں تے ٹرانسپورٹراں نانہہ مشورو دتو جائے کہ وے ٹریفک ایڈوائزری ور عمل کریں۔ سرینگر مانہہ موسم غی سرد ترین رات منفی 6 عشاریہ 2 ڈگری سلیس ریکارڈ کی گئی۔ جد کہ مشہور سیا سی مقام پہلگام غو درجہ حرارت منفی 8 عشاریہ 2 درج کیو گئیو۔

Tennis

ٹینس مانہہ بھارتی ٹیم نے سنگاپور غا ون چیسٹر ارینا مانہہ ایشیا اُشینک جو نئیر لیور آئی سی روڈ چیلنج غا اپنا دوجا لیگ میچ مانہہ جاپان نانہہ 2/4 تیں شکست دے غے اگلا سال سپین غی میزبانی مانہہ ہون آلا عالمی چیلنج واسطے اہلیت حاصل کی۔

اس غے نال ہی خبراں غو یوہ بلیٹن ختم ہوؤ۔